

Shanika Clark:

“Art Rules Aruba a cambia mi bida, pe motibo ey mi ta participa atrobe”

ORANJESTAD – Art Rules Aruba (ARA) ta un programa di arte cu ta tuma luga durante vakantie pa 6 aña consecutivo caba. Recientemente Bon Dia Aruba a entrevista e hoben actriz Shanika Clark caba, den e edicion aki e ta conta pakico e ta participa atrobe.

Segun Clark, cu den pasado a menciona cu e tin aspiracionnan di algun dia traha comedianan manera Tyler Perry. Ta conta cu aña pasa el a participa na Art Rules Aruba y experiencia tabata algo impresionante. El a siña tocante improvisacion, traha den ekipo, con pa uza su stem y hopi cos mas. E ta sinti, cu ARA no solamente a yuda e crece como un actriz pero tambe como un persona. Clark ta bisa “Ora mi a drenta ARA aña pasa, mi actuamento tabata den un luga



tiki scur. Mi tabata tin hopi tempo sin ta activo y mi tabata haya falta di dje. Mi tabata bay Da Vinci Academy pa actua y mi a siña hopi cos eynan y mi a haya experiencia den filma pa television. Pero a yega un punto cu e no tabata sinti corecto mas”

Realisacion

Clark ta subraya cu den les di drama na scol, ta unda el

a siña mas di teatro. Eynan e por haci mas cu riba television. Paso-bra bo por ta dramatico y e ta algo mas bibo, eynan e tabata sinti manera cu di berdad e tabata pertenece. Pues pa e motibo ey, e ta hopi contento di por bolbe participa den e curso di teatro na ARA. Clark tin hinca den su cabes caba, cu esaki ta locual e gusta haci y esaki ta locual ta haci



e feliz.

“Sin actua of skirbi mi no ta nada, scol no ta bayendo y mi ta culpa mi mes. Mi a kies e pakete fout y awo mi ta pagando e prijs. Pero si mi mester a kies un pakete atrobe, mi no lo sa kico pa kies. Mi alma ta riba escenario, actuando, skirbiendo poema, etc. Y scol no por duna ami esey. Pa e motibo ey ta importante pa mi haci programanan manera ARA, cu ta tene mi arte bibo. Pa mi por sigui mehora mi mes como actriz. Esey ta mi motivacion, esey ta mi contesta. Mi tin un map yena cu storianan cu mi a skirbi tempo mi tabata mucha. Desde semper mi ta trahando un buki, pero nunca mi ta caba esaki. Aina mi ta trahando riba dje. Mi gusta skirbi paso poemanan ta haci hende feliz, e ta pone ami sinti manera cu mi ta sirbi pa algo. Ora mi tabata chikito nan tabata ter mi hopi y actua cu skirbi di un manera of otro tabata duna ami paz.”

Termento y idolo

Manera Bon Dia a menciona den pasado, Clark a hunga e rol di e “Genie”, maart ultimo ora colegio a celebra su 55 aña di existencia cu un show musical tremendo cu a tuma luga na Cas di Cultura. Clark a conta cu un di su inspiracion mas grandi ta Tyler Perry. E manera cu sr. Perry

ta conecta cu su audiencia ta algo cu e semper kier a haci. Pone hende hari of pone nan pensa den un cierto manera. E kier pone hari y gosa mes-cos cu sr. Perry. Ora e tabata den prome klas, e tabata wordo tenta. No solamente pa muchanan pero pa maestro-nan tambe. Y e no tabata tin casi amigo. Den di dos klas, ainda e termento a sigui pues su mama a dicidi di cambia e di scol. E tabata bay Pieter-boer y el a bay Colegio Conrado Coronel.

Eynan el a pensa cu cos lo bay miho pero siendo e un di e unico muchanan di color den klas cu un otro accent, e no tabata mucho bon bini tam-poco. Aunke cu Clark a pasa den hopi cos y el a sinti hopi dolor. E unico cos cu tabata mantene na contento tabata sr. Perry su comedianan. Nan tabata pone hari y lubida. Pues e tambe kier haci esey pa otro hende. Arte riba e isla ta un poco limita, Clark ta bisa. Nos tin hopi scol unda bo ta siña hopi cos tocante arte. Tin hopi studionan di baile. lesnan di arte, lesnan di musica etc. Pero e lo desea pa tin mas scol manera Rietveld aki na Aruba, pero pa actua y baila y skirbimento. Ya e ora muchanan no mester bay di e isla. “Mi no ta kere educa-cion mester ta un privilegio, e mester ta accesibel, Clark a subraya den pasado. □



di teenager

nan serio di Sugar Daddy y Lover Boy ta sosode na Aruba



D – Recientemente ta pa Wit Gele Kruis un propaganda pa bay cuminsa pasa e mayornan conscientnan cu ta pasando e fenomeno "Sugar Daddy y Lover Boy". WGK Aruba Gino ca.

y Lover Boy ta algo constata pa basta tempo. cifra di mamanan ho-

ben, por mira cu e cifranan ta bahando, pero e espacio entre edad di e muchanan aki y hendenan homber ta birando mas y mas grandi. Ta papia di hende homber riba edad di 40 aña cu mucha muhe di 13 of 14 aña. E diferencia di edad ta mucho grandi pues kier educa comunidad y mayornan pa wak e propaganda pa nan ta consciente cu e cosnan aki ta pasando na Aruba. E dos propagandanan aki (den total lo tin 4) ta ilustra e bida real cu ta pasa eyfo. Pues traha cu escena real," Sr. Goeloe a enfatisa.

Idea/ concepto di e propaganda Den e caso aki Monique Giel – Labad y Mariela Solognier a wak e problemanan cu tin y a traha e propagandanan basa riba e situacion real na Aruba. Cu storianan cu hobennan mes a conta entre otro. Actualmente ta pasando esaki den cinema na Renaissance y tambe ta bay pasa esey den medionan di comunicacion pronto.

Facebook

Algo cu WGK a wak ta cu Facebook ta popular y ta unda cu e hende homber ta busca contacto hopi biaha cu e muchanan jong aki. Tin hopi muchanan jong cu ta cay den e trampa aki cual nan lo wordo ilustra den e propagandanan aki. "P'esey a bisa cu no pro laga esaki pasa mas. Cifranan ta bahando di mamanan hoben cual ta di duna danki na tur fundacion partner cu ta yuda den esaki pa traha hunto y evita e senonan aki." A punta Sr. Goeloe kico ta e enfoke exactamente cu e propagandanan. WGK a bisa cu esaki ta pa tur edad y ta pone enfoke riba hobennan y pa hala atencion di mayornan riba kico a pasando eyfo, Sr. Goeloe a indica.

Atento riba muchanan

A bin demostra cu muchanan ta mas cu 80% riba nan "gadgets" pues como mayor mester ta atento pa wak kico nan ta haciendo cun'e. Como mayor bo mester por coy telefon pa wak kico bo yiu ta haci y cu ken e ta papia. "Hopi biaha mayornan ta pensa cu nan no kier haci esey y ta privacidad

di nan yiu, pero e hecho ta cu nos responsabel pa nos yiunan y mester stop di kier ta amigo di nos yiunan y mester ta un mayor pa nos yiunan y para fuerte bisa kico por y kico no por," director di WGK a enfatisa.

Ley

Riba pregunta di te unda e ley pa e "Sugar Daddy y Lover Boy" ta yegando y con ley por trata esaki si un mayor constata su yiu ta den man di un "Sugar Daddy y Lover Boy". Sr. Goeloe a bisa lo siguiente: "Tin ley pero e ley ta indica cu mucha hoben mester entrega kehuen na polis, cual a ripara cu no ta pasando. Dicon esaki no ta pasando ta, pasobra e Sugar Daddy ta cria e mucha famia. Pues si core cun'e, ta core cu entrada di e cas cu ta paga huur, paga auto y cuminda etc. cual ta casona cu WGK ta atende cun'e."

Meta: conscientisacion

E meta di e spot ta pa pueblo y mayor nan bira mas consciente di e situacion na Aruba. "Nos por keda papia pero awor mester ilustra kico ta pasando pasobra manera menciona anterior ta real y ta pasando awe na Aruba. E situacion ta asina cu ta encera riba 50 por ciento di nos hobennan femenino cu tin "guy" di edad ta mucho mas halto. Sr. Goeloe a bisa cu e capitulo di "Sugar Mommy" ta menos, pues ta traha riba e problema mas grande prome. Pero a finalisa bisando pa keda pendiente pasobra e casona di "Suggar Mommy" tambe ta na caminda. □